

佛說三轉法輪經

唐三藏法師義淨奉詔譯

如是我聞一時薄伽梵在婆羅痾斯仙人墮處施鹿林中亦時世尊告苾芻曰汝等苾芻

九

若

芻此苦聖諦於所聞法如理作意能生眼智明覺汝等苾芻此苦集聖諦是所了法如是應知於所聞法如理作意能生眼智明覺

汝等苾芻此苦滅聖諦是所了法如是應證於所聞法如理作意能生眼智明覺

汝等苾芻此順苦滅道聖諦是所了法如是應修於所聞法如理作意能生眼智明覺

汝等苾芻此苦聖諦是所了法如是已知於

所聞法如理作意能生眼智明覺

汝等苾芻此苦集聖諦是所了法如是已斷於所聞法如理作意能生眼智明覺

汝等苾芻此苦滅聖諦是所了法如是已證於所聞法如理作意能生眼智明覺

汝等苾芻此順苦滅道聖諦是所了法如是已修於所聞法如理作意能生眼智明覺

汝等苾芻若我於此四聖諦法未了三轉十二相者眼智明覺皆不得生我則不於諸天魔梵沙門婆羅門一切世間捨離煩惱心得解脫不能證得無上菩提

汝等苾芻由我於此四聖諦法解了三轉十

二相故眼智明覺皆悉得生乃於諸天魔梵沙門婆羅門一切世間捨離煩惱心得解脫便能證得無上菩提

亦時世尊說是法時具壽憍陳如及八萬諸天遠塵離垢得法眼淨佛告憍陳如汝解此法不答言已解世尊汝解此法不答言已解

善逝由憍陳如解了法故因此即名阿若憍

陳如阿若是
解了義

是時地居藥叉又聞佛說已出大音聲告人天
曰仁等當知佛在娑羅宛斯仙人墮處施鹿
林中廣說三轉十二行相法輪由此能於天
人魔梵沙門婆羅門一切世間為大饒益令

十

卷

同梵行者速至安隱涅槃之處人天增盛阿
蘇羅減少由彼藥叉又作如是告虛空諸天四
大王眾皆悉聞知如是展轉於剎那頃盡六
欲天須臾之間乃至梵天普聞其響梵眾聞
已復皆遍告廣說如前因名此經為三轉法
輪時五苾芻及人天等聞佛說已歡喜奉行

佛說三轉法輪經

思七